



№9 (199)

7 НАУРЫЗ

СЕНБІ

2026 ЖЫЛ

ГАЗЕТ 2022 ЖЫЛДЫҢ
22 АҚПАНЫНАН
БАСТАП ШЫҒАДЫ

Jaңa Bastau

ҚОСШЫ ҚАЛАСЫНЫҢ РЕСПУБЛИКАЛЫҚ ӘЛЕУМЕТТІК-ЭКОНОМИКАЛЫҚ ЖӘНЕ ҚОҒАМДЫҚ-САЯСИ ГАЗЕТІ

8 НАУРЫЗ: ІЗГІЛІК ПЕН СҰЛУЛЫҚТЫҢ СИМВОЛЫ

Ардақты аналар, аяулы арулар!

Сіздерді 8 наурыз – Халықаралық әйелдер күні мерекесімен шын жүректен құттықтаймын!

Көктемнің шуақты мерекесі – әйел-аналарымыздың мейрамымен бастау алып, ізгілік пен сұлулықтың, мейірім мен сыйластықтың символына айналған ерекше күн. Бұл мереке жандүниеге жылу сыйлап, қоғамдағы әйелдердің қадір-қасиеті мен айрықша орнын тағы бір мәрте айшықтайды.

Әйел бақыты – отбасының берекесін келтіріп, ұрпақ тәрбиесіне үлес қосып, ел дамуына өз еңбегімен қызмет етуінде. Бір қолымен бесікті, екінші қолымен

әлемді тербеткен аналар қауымы – қоғамның тірегі, ел ертеңінің кепілі.

Осы мерейлі күнде сіздерге зор денсаулық, отбасыларыңызға амандық пен бақ-береке, еңбектеріңізге толағай табыс тілеймін!

Әрдайым абырой биігінен көрініп, шаттық пен қуанышқа бөленіп, гүлдей жайнап жүре беріңіздер!

Мерекелеріңіз құтты болсын!

Құрметпен,

Қосшы қаласының әкімі Азамат ЕСІМҰЛЫ



Сырымбек Тау, кәсіпкер-меценат:

ҮЛКЕН ӨЗГЕРІС КІТАП ОҚИТЫНДАР КӨБЕЙГЕНДЕ БАСТАЛАДЫ

Қазіргі қоғамда жастарды кітапқа баулу мәселесі бұрынғыдан да өзекті бола түсті. Әлеуметтік желі сананы жаулап, уақыттың басым бөлігі экран алдында өтіп жатқан тұста кітап оқу мәдениетін қайта жаңғырту – ұлт болашағына тікелей әсер ететін маңызды міндет. Осы орайда нақты ісімен көпке үлгі болып жүрген азаматтардың бірі – кәсіпкер, меценат Сырымбек Тау. Ол бірнеше жылдан бері «Кітап оқып, тұлға болам!» атты жобаны жүзеге асырып, жастарды кітапқа жақындатуға, оқуға деген ынтаны оятуға, рухани дамудың қадірін ұғындыруға күш салып келеді. Бұл – бір ғана жоба емес, қоғамды сапалық тұрғыдан өзгертуді көздеген ізгі бастама. Біз Сырымбек Таумен кітап оқу мәдениеті, жастар тәрбиесі, кәсіпкерліктің қоғамдық жауапкершілігі, ұлттық әдебиет пен рухани құндылықтардың бүгінгі мәні туралы кеңінен сұхбаттасқан едік.

«ЖАЛПЫ САНЫ 126 МЫҢ АДАМҒА
КІТАП ОҚЫТТЫҚ»

– Сәке, әлеуметтік желінің жетегіне ерген жастарды кітапқа баулу – бүгінгі қоғамдағы өзекті мәселе. Жақында «Кітап оқып, тұлға болам!» жобасын қайта бастағаныңызды естідік. Бұл бастаманың мақсаты мен ерекшелігі туралы айтып берсеңіз...

– Бұл жоба алғаш рет 2020-2021 жылдары басталған болатын. Сол кезде біз оны бірнеше рет ұйымдастырып, жалпы саны 126 мыңға жуық адамға кітап оқыттық. Бұл біз үшін өте үлкен тәжірибе болды. Ең бастысы, сол кезеңде қоғамда, әсіресе, жастар арасында кітап оқуға деген шынайы сұраныс бар екенін анық аңғардық. Яғни дұрыс бағыт-бағдар, мазмұнды кітап және нақты ынталандыру ұсынылса, оқырманның кітаптан сырт айналып қалғанын көрдік.

Кейін белгілі бір қаржылық қиындықтарға байланысты жоба уақытша тоқтап қалды. Бірақ оны қайта жалғастыру ойымыздан ешқашан шыққан емес. Өйткені бұл – жай ғана кезекті байқау емес, ұлттың зияткерлік деңгейін көтеруге, жастардың ойлау мәдениетін қалыптастыруға, кітап оқу дағдысын қоғамдық үрдіске айналдыруға бағытталған рухани-ағартушылық бастама. Сондықтан биыл жобаны қайта қолға алдық. Ендігі ниет – оны бір реттік іс-шара ретінде өткізіп қою емес, тұрақты жалғасатын, ел күтіп отыратын үлкен мәдени жобаға айналдыру.

Біздің жобаның бір ерекшелігі – қатысу тәртібінің барынша ашық әрі қарапайым болуы. Қатысу тегін. Кез келген адам tulgabol.kz сайтына тіркеліп, жобаға қосыла алады. Сайттағы ережеге сәйкес, биыл тіркелу кезеңі 2026 жылғы 15 ақпан мен 10 наурыз аралығына белгіленген. Тіркелмей қалғандар тестке қатыса алғанмен, жүлде иелену мүмкіндігінен қағылады. Бұл жобаның тәртіп пен әділдікке негізделгенін көрсетеді. Сондай-ақ қатысушының Telegram арнасына тіркелуді де маңызды. Өйткені барлық жаңалық пен нәтиже сол жерде жарияланып отырады.

Жобаға қатысу ауқымы да кең. Сайттағы ережеде жас ерекшелігіне шектеу қойылмайтыны, әріп танытын кез келген адамның қатыса алатыны көрсетілген. Тіпті шетел азаматтарына да мүмкіндік берілген. Бұл бастаманың барынша кең аудиторияға арналғанын білдіреді. Демек бұл – жобаның мақсаты тек белгілі бір топты қамту емес, кітап оқуды жалпыұлттық мәдени дағдыға айналдыру.

Биылғы жобада оқырманға ұсы-

нылған кітаптардың бірі – «Дала данышпаны – Майқы би». Сайтта бұл кітаптың электронды нұсқасын тегін оқуға болатыны көрсетілген. Бұл да өте маңызды қадам деп ойлаймын. Майқы би туралы еңбек – ұлттық ойлау жүйесін, тарихи танымды, дала даналығының тамырын тереңірек ұғынуға жол ашатын мазмұнды дүние.

«ЖАПОНДАР ЖЫЛЫНА
18 КІТАП ОҚИДЫ»

– Бір сұхбатыңызда «Жапондар жылына орта есеппен 18 кітап оқиды. Ал бізде кітап оқу деңгейі төмен» деген едіңіз. Бұл пікіріңіз әлі өзгерген жоқ па?

– Жоқ, бұл ойым әлі де өзекті. Бірақ мұндай мәселені жалаң салыстыру деңгейінде емес, ұлттың оқу мәдениеті, уақытты пайдалану дағдысы және рухани сұранысы тұрғысынан қараған дұрыс. Кітап оқу – жай ермек емес, қоғамның ойлау сапасын, таным деңгейін, тіпті болашақ даму бағытын айқындайтын маңызды көрсеткіштердің бірі.

Жапон халқының ерекшелігі – білім мен өзін-өзі жетілдіруді күнделікті тіршіліктің ажырамас бөлігіне айналдыра білуінде. Әрине, олар да интернетті, цифрлық технологияны пайдаланады. Бірақ айырмашылық – сол мүмкіндікті қалай қолданатынында. Олар уақытын орынсыз тұтынуға емес, танымын кеңейтуге, кәсіби және рухани өсуге жұмсайды. Кітап оқу, газет-журнал қарау, сапалы ақпаратқа ден қою – сол мәдениеттің бір көрінісі. Тенертен жаңа басылымдардың қонақүйлерге дейін жеткізіліп жататынын көргенде, бұл ақпаратқа деген сұраныс қана емес, білімге деген қоғамдық құрметтің белгісі екенін аңғарасыз.

Сонымен бірге «бізде мүлде кітап оқылмайды» деп кесіп айтуға да болмайды. Соңғы жылдары елімізде кітапқа деген ықылас біртіндеп артып келе жатқанын байқаймыз. Жастар арасында кітап клубтары көбейді, қазақ тіліндегі жаңа басылымдарға қызығушылық артты, әдеби ортада да, әлеуметтік желіде де кітап туралы әңгіме жиілей түсті. Бұл – қуантарлық үрдіс. Демек қоғамда рухани сұраныс бар, тек соған дұрыс бағыт пен тұрақты қолдау қажет.

Осы тұрғыдан алғанда, Президент бастамасымен 23 сәуірдің Ұлттық кітап күні болып бекітілуі және әрбір қазақстандық оқуға тиіс 100 кітап тізімінің айқындалуы – өте маңызды қадам.

(Жалғасы 3-бетте)

Мурсалимова Сәуле Сағидоллақызының (05.06.1966 ж.т.) 2025 жылғы 12 қыркүйекте қайтыс болуына байланысты мұрагерлік іс ашылды. Мұрагерлерге нотариус Сатмағамбетов Бахтияр Оразұлына мына мекенжай бойынша хабарласу сұралады: Астана қаласы, Е 251 көшесі, 4к үй, 3-қабат, 8-кеңсе. тел.: 8 778 095 94 90

Открыто наследственное дело после смерти Мурсалимовой Сауле Сагидоллаевны (05.06.1966 г.р) умершей 12.09.2025 г. Наследникам просим обращаться к нотариусу Сатмағамбетову Бахтияру Уразовичу, по адресу: г. Астана, ул.Е 251, д. 4к, 3 этаж, 8 офис .тел.: 8 778 095 94 90

Ахметова Камшат Исмағұлқызының (22.05.1979 ж.т.), 08.09.2025 жылы қайтыс болуына байланысты мұрагерлік іс ашылды. Мұрагерлер Астана қаласы, Мәңгілік Ел даңғылы, 17-үй, 256 н.п. мекенжайы бойынша нотариус Кәсенова Гүлмира Чапенқызына хабарласулары сұралады. тел.: 8 701 538 01 26

Открыто наследственное дело после смерти Ахметовой Камшат Исмагуловны (22.05.1979 г.р), умершей 08.09.2025 г. Наследников просим обращаться к нотариусу Касеновой Гульмире Чапеновне по адресу: г. Астана, пр. Мангилик Ел, д.17. н.п. 256. т.: 8 701 538 01 26

«ADAL GROUP LTD» ЖШС, БСН 191240011725 өз таратылатынын хабарлайды. Талап-тілектер жарияланған күннен бастап екі ай ішінде мына мекенжай бойынша қабылданады: Астана қаласы, Есіл ауданы, Мәңгілік Ел даңғылы, 47 үй, н.п 8. тел.: 8 778 100 52 75

ТОО «ADAL GROUP LTD», БИН 191240011725 сообщает о своей ликвидации. Претензии принимаются в течение двух месяцев со дня публикации объявления по адресу: г. Астана, р-н Есиль, проспект Мангилик Ел, д.47, н.п.8. тел.: 8 778 100 52 75

«Грин Лиф Фарма Компаниясы» акционерлік қоғамы Қазақстан Республикасындағы «Грин Лиф Фарма Компаниясы» акционерлік қоғамының филиалы (БСН 230741007301) таратылатыны туралы хабарлайды. Талап-арыздар хабарландыру жарияланған күннен бастап екі ай ішінде мына мекенжай бойынша қабылданады: Алматы қаласы, Бостандық ауданы, Егизбаев көшесі, 7/9-үй, 174 н.п. тел.: 8 701 735 09 09.

Акционерное общество «Компания Грин Лиф Фарма» сообщает о ликвидации Филиала Акционерного общества «Компания Грин Лиф Фарма» в Республики Казахстан, БИН 230741007301. Претензии принимаются в течение двух месяцев со дня публикации объявления по адресу: г. Алматы, Бостандыкский район, ул. Егизбаева, д.7/9, н.п.174. тел.: 8 701 735 09 09

«Шыңғыс 2» ЖШС, БСН 150940012600 өз таратылатынын хабарлайды. Талап-тілектер жарияланған күннен бастап екі ай ішінде мына мекенжай бойынша қабылданады: Ақмола аумағы, Целиноград ауданы, Қосшы қаласы, Лесная поляна шағын ауданы, 7 үй. т.: 8 701 293 04 34

ТОО «Шыңғыс 2», БИН 150940012600 сообщает о своей ликвидации. Претензии принимаются в течение двух месяцев со дня публикации объявления по адресу: Ақмолинская обл., Целиноградский район, г.Қосшы, микрорайон Лесная поляна, д.7. тел.: 8 701 293 04 34

«Ман-Ай-Ру» ЖШС, БСН 181140011254 өз таратылатынын хабарлайды. Талап-тілектер жарияланған күннен бастап екі ай ішінде мына мекенжай бойынша қабылданады: Астана қаласы, Алматы ауданы Күйші Дина көшесі, 30/1 үй, 26 пәтер. т.: 8 747 210 86 19

ТОО «Ман-Ай-Ру», БИН 181140011254 сообщает о своей ликвидации. Претензии принимаются в течение двух месяцев со дня публикации объявления по адресу: г. Астана, р-н Алматы, улица Күйші Дина, д.30/1, кв.26. тел.: 8 747 210 86 19

«Подружка» ЖШС, БСН 220840048791 өз таратылатынын хабарлайды. Талап-тілектер жарияланған күннен бастап екі ай ішінде мына мекенжай бойынша қабылданады: Алматы облысы, Еңбекшіқазақ ауданы, Шелек ауыл округі, Шелек ауылы, Мәншук Маметова көшесі, 13 үй. тел.: 8 707 818 00 13

ТОО «Подружка», БИН 220840048791 сообщает о своей ликвидации. Претензии принимаются в течение двух месяцев со дня публикации объявления по адресу: Алматинская обл., Енбекшиказахский р-н, Шелекский сельский округ, с.Шелек, ул.Маншук Маметовой, д.13. тел.: 8 707 818 00 13

«EURO TRUCK KZ» ЖШС, БСН 231140024307 өз таратылатынын хабарлайды. Талап-тілектер жарияланған күннен бастап екі ай ішінде мына мекенжай бойынша қабылданады: Алматы қаласы, Жетісу ауданы, Қазыбаев көшесі, 27 үй. т.: 8 707 728 02 02

ТОО «EURO TRUCK KZ», БИН 231140024307 сообщает о своей ликвидации. Претензии принимаются в течение двух месяцев со дня публикации объявления по адресу: г. Алматы, Жетысуский район, ул. Казыбаева, д.27. тел.: 8 707 728 02 02

«ИП Сералиев» ЖШС, БСН 250540022297 өз таратылатынын хабарлайды. Талап-тілектер жарияланған күннен бастап екі ай ішінде мына мекенжай бойынша қабылданады: Астана қаласы, Сарыарқа ауданы, Берел көшесі, 41 үй, 2 пәтер. тел.: 8 747 457 08 67

ТОО «ИП Сералиев», БИН 250540022297 сообщает о своей ликвидации. Претензии принимаются в течение двух месяцев со дня публикации объявления по адресу: г. Астана, р-н Сарыарқа, улица Берел, д.41, кв.2. тел.: 8 747 457 08 67

«Tazalike LTD» ЖШС, БСН 250840000108 өз таратылатынын хабарлайды. Талап-тілектер жарияланған күннен бастап екі ай ішінде мына мекенжай бойынша қабылданады: Шығыс Қазақстан облысы, Өскемен қаласы, Алия Молдағұлова көшесі, 17/2 үй, 41 пәтер. тел.: 8 777 295 61 55

ТОО «Tazalike LTD», БИН 250840000108 сообщает о своей ликвидации. Претензии принимаются в течение двух месяцев со дня публикации объявления по адресу: Восточно-Казахстанская обл., г. Усть-Каменогорск, ул. Алии Молдагуловой, д.17/2, кв.41. тел.: 8 777 295 61 55

«Дидар-Айару» ЖШС, БСН 151040017115 өз таратылатынын хабарлайды. Талап-тілектер жарияланған күннен бастап екі ай ішінде мына мекенжай бойынша қабылданады: Жамбыл облысы, Тараз қаласы, Телецентр көшесі, 14 үй, 11 кеңсе. т.: 8 705 445 65 40

ТОО «Дидар-Айару», БИН 151040017115 сообщает о своей ликвидации. Претензии принимаются в течение двух месяцев со дня публикации объявления по адресу: Жамбылская обл, г. Тараз, улица Телецентр, д.14, офис 11. тел.: 8 705 445 65 40

«Индустрия Газа 2030» ЖШС, БСН 230740000814 өз таратылатынын хабарлайды. Талап-тілектер жарияланған күннен бастап екі ай ішінде мына мекенжай бойынша қабылданады: Астана қаласы, Нұра ауданы, Тұран даңғылы, 9 үй, 49 пәтер. тел.: 8 707 268 56 14

ТОО «Индустрия Газа 2030», БИН 230740000814 сообщает о своей ликвидации. Претензии принимаются в течение двух месяцев со дня публикации объявления по адресу: г. Астана, р-н Нұра, проспект Туран, д.9, 49 кв. тел.: 8 707 268 56 14

«China&Tender.KZ» ЖШС, БСН 180540016326 өз таратылатынын хабарлайды. Талап-тілектер жарияланған күннен бастап екі ай ішінде мына мекенжай бойынша қабылданады: Батыс Қазақстан облысы, Орал қаласы, Циолковский көшесі, 6/1 үй, корпус 11, 1 пәтер. тел.: 8 747 575 40 05

ТОО «China&Tender.KZ» БИН 180540016326 сообщает о своей ликвидации. Претензии принимаются в течение двух месяцев со дня публикации объявления по адресу: Западно-Казахстанская область, г. Уральск, улица Циолковского, д.6/1, корпус 11, кв.1. тел.: 8 747 575 40 05

«РГАИТ» ЖШС, БСН 221140054971 өз таратылатынын хабарлайды. Талап-тілектер жарияланған күннен бастап екі ай ішінде мына мекенжай бойынша қабылданады: Астана қаласы, Алматы ауданы, Рақымжан Қошқарбаев даңғылы, 26 үй, 65 пәтер. тел.: 8 707 855 03 83

ТОО «РГАИТ», БИН 221140054971 сообщает о своей ликвидации. Претензии принимаются в течение двух месяцев со дня публикации объявления по адресу: г. Астана, р-н Алматы, проспект Рақымжан Қошқарбаев, д.26, кв.65. тел.: 8 707 855 03 83

«TAZ-Group» ЖШС, БСН 220440001882 өз таратылатынын хабарлайды. Талап-тілектер жарияланған күннен бастап екі ай ішінде мына мекенжай бойынша қабылданады: Астана қаласы, Қабанбай батыр даңғыл көшесі, 43Б үй, 1906 кеңсе. тел.: 8 771 024 88 11

ТОО «TAZ-Group», БИН 220440001882 сообщает о своей ликвидации. Претензии принимаются в течение двух месяцев со дня публикации объявления по адресу: г. Астана, проспект Кабанбай Батыр, д.43Б, офис 1906. тел.: 8 771 024 88 11

«Kazakhstan Yuxin» ЖШС, БСН 250740030423 өз таратылатынын хабарлайды. Талап-тілектер жарияланған күннен бастап екі ай ішінде мына мекенжай бойынша қабылданады: Астана қаласы, Есіл ауданы, Түркістан көшесі, 34Б үй, н.п.20. тел.: 8 771 191 60 08

ТОО «Kazakhstan Yuxin», БИН 250740030423 сообщает о своей ликвидации. Претензии принимаются в течение двух месяцев со дня публикации объявления по адресу: г. Астана, р-н Есиль, улица Туркистан, д.34Б, н.п.20. тел.: 8 771 191 60 08

«РГАИТ» ЖШС, БСН 221140054971 өз таратылатынын хабарлайды. Талап-тілектер жарияланған күннен бастап екі ай ішінде мына мекенжай бойынша қабылданады: Астана қаласы, Алматы ауданы, Рақымжан Қошқарбаев даңғылы, 26 үй, 65 пәтер. тел.: 8 707 855 03 83

Дауыс беруге арналған бюллетень

2026 жылдың 15 наурызында «Жобасы бұқаралық ақпарат құралдарында 2026 жылғы 12 ақпанда жарияланған Қазақстан Республикасының жаңа Конституциясын қабылдайсыз ба?» деген сауал бойынша республикалық референдум өтеді.

Референдумда әрбір қазақстандық жеке дауыс береді. Бюллетень жеке басын куәландыратын құжатты көрсеткен кезде референдумда дауыс беруге құқылы азаматтар тізімі негізінде беріледі. Содан кейін Сіз бюллетенді алғаныңыз туралы тізімге қол қоясыз.

Бюллетень жасырын дауыс беруге арналған кабинада толтырылады. Бюллетенде Сіз өзіңіз жақтап дауыс беретін жауап нұсқасының оң

жағындағы бос шаршыға кез келген белгі қоясыз. Бюллетеньге қарындашпен белгі қоюға, сондай-ақ оған қандай да бір түзету енгізуге болмайды. Толтырылған бюллетенді дауыс беру жәшігіне саласыз.

Әрқайсымыздың дауысымыз маңызды!

Қазақстан Республикасының Орталық референдум комиссиясы

15 марта 2026 года состоится республиканский референдум по вопросу: «Принимаете ли Вы новую Конституцию Республики Казахстан, проект которой опубликован в средствах массовой информации 12 февраля 2026 года?».

Бюллетень для голосования

На референдуме каждый казахстанец голосует лично. Бюллетень выдается на основании списка граждан, имеющих право голосовать на референдуме, при предъявлении документа, удостоверяющего личность. После этого Вы расписываетесь в списке в получении бюллетеня.

Бюллетень заполняется в кабине для тайного голосования. В бюллетене Вы ставите любую отметку в пустом квадрате справа от варианта

ответа, за который голосуете. Не допускается проставление отметок в бюллетене карандашом, а также внесение в него каких бы то ни было исправлений. Заполненный бюллетень опускаете в урну для голосования.

Важен голос каждого из нас!

Центральная комиссия референдума Республики Казахстан

Референдумда есептен шығару куәлігін пайдалана аласыз

Қазақстандағы референдумда дауыс беру кезінде азаматтар тіркеу орны бойынша емес, өзіне ыңғайлы кез келген сайлау учаскесінде дауыс беруге мүмкіндік беретін ресми құжат – есептен шығару куәлігін пайдалана алады.

2026 жылғы 15 наурызға белгіленген жаңа Конституция жобасы бойынша республикалық референдумға байланысты есептен шығару куәліктерін алу тәртібі төмендегідей:

Берілетін мерзімі: 2026 жылғы 27 ақпаннан бастап, 14 наурыз күні сағат 18:00-ге дейін (қоса алғанда).

Қайдан алуға болады: тұрақты тіркеу орны бойынша учаскелік сайлау комиссиясынан (УСК).

Қажетті құжаттар: жеке өзі келіп, жеке

куәлігін көрсетуі қажет (eGov Mobile қосымшасындағы электрондық нұсқасын пайдалануға болады) және жазбаша өтініш беру керек.

Өкіл арқылы алу: сенімхат негізінде алуға болады. Мұндай сенімхатты нотариалды куәландыру талап етілмейді.

Маңызды шектеулер мен ережелер: бір қала шегінде: бір елді мекеннің ішінде басқа учаскеде дауыс бергісі келетін азаматтарға есептен шығару куәлігі берілмейді.

Құжат жоғалған жағдайда: куәлік қайта қал-

пына келтірілмейді, телнұсқа берілмейді.

Қалай дауыс береді: дауыс беру күні таңдалған учаскеге есептен шығару куәлігін және жеке куәліктің түпнұсқасын (немесе электрондық нұсқасын) көрсету қажет. Азамат сол жерде тізімге енгізіледі.

Жарамдылық мерзімі: құжат бір рет қана пайдаланылады және дауыс бергеннен кейін комиссия тарапынан алынады.

Есептен шығару куәліктерін беру дауыс беру басталардан бір күн бұрын жергілікті уақыт бойынша сағат 18:00-де тоқтатылады.

15 НАУРЫЗ МАРТА Әрқайсымыздың дауысымыз маңызды!
РЕФЕРЕНДУМ

ДАУЫС БЕРУ ҚҰҚЫҒЫН БЕРЕТІН ЕСЕПТЕН ШЫҒАРУ КУӘЛІКТЕРІ

Азамат тұлғаның жері өзгерген кезде басқа референдум учаскесінде дауыс беру үшін есептен шығару куәлігін ала алады.

Есептен шығару куәлігін 27 ақпаннан бастап алуға болады.	Есептен шығару куәлігін беру 14 наурызда сағат 18.00-де тоқтатылады.
--	--

- Дауыс беру кезінде азамат есептен шығару куәлігін және жеке басын куәландыратын құжатты ұсынады (электрондық нұсқасын да көрсете алады).
- Учаскелік референдум комиссиясы азаматты республикалық референдумға қатысуға құқығы бар азаматтардың тізіміне енгізеді және дауыс беруге арналған бюллетень береді.
- Есептен шығару куәлігі бір рет пайдаланылады және азамат дауыс берген учаскеде қалады.

Жоғалған есептен шығару куәліктері қалпына келтірілмейді. Есептен шығару куәлігі бір елді мекеннің ішінде басқа учаскеде дауыс беруге қатысқаны келетін азаматтарға берілмейді.

Қазақстан Республикасының Орталық референдум комиссиясы
www.election.gov.kz

Сырымбек Тау, кәсіпкер-меценат:

ҮЛКЕН ӨЗГЕРІС

КІТАП ОҚИТЫНДАР КӨБЕЙГЕНДЕ БАСТАЛАДЫ

(Басы 1-бетте)

Өйткені көп адам кітап оқығысы келеді, бірақ неден бастарын, нені оқу керегін білмейді. Мұндай бастамалар оқырманға бағдар береді, талғам қалыптастырады, бастысы, кітапты қоғамдық құндылық ретінде қайта алға шығарады.

«ГАДЖЕТ – БАСТЫ БӘСЕКЕЛЕС»

– Өзіңіз атап өткендей, «қазіргі балалардың кітап оқуы азайды» деген пікір жиі айтылады. Сіз бұл мәселені қалай бағалайсыз?

– Шынында да бүгінгі күні балалардың кітап оқуға деген қызығушылығы бұрынғыдай емес екені анық байқалады. Көпшілігі бос уақытын телефонға, әлеуметтік желіге, түрлі ойындарға арнайды. Бұл – тек біздің елге ғана тән мәселе емес, жаһандық сипат алған құбылыс. Өйткені қазіргі заман баласының назарын өзіне бірден аударып әкететін ең үлкен күш – гаджет. Ол тез әсер береді, жылдам қызықтырады, дайын ақпарат ұсынады. Ал кітап, керісінше, баланы сабырға, ойлануға, қиялдауға, ішкі еңбекке шақырады. Сондықтан бүгінгі бала үшін кітап пен гаджеттің бәсекесін шын мәнінде уақыт пен сана үшін жүріп жатқан күрес деуге болады.

Бірақ осы тұста бір нәрсені анық түсінуіміз керек: «бала кітап оқымайды» деп біржақты кінә тағуға болмайды. Мәселе баланың табиғатында емес, оны қызықтыра алатын ортаның әлсіздігінде де жатыр. Егер кітапты біз тек «оқу керек», «пайдалы», «тәрбиелік мәні бар» деген құрғақ ұранмен ғана ұсынсақ, онда бала оны міндет ретінде қабылдайды. Ал міндет қызығушылық тудырмайды. Сондықтан кітапты насихаттаудың жаңа тәсілдерін табу керек деген ойым осыдан шығады.

«КӘСІПКЕР ТЕК БИЗНЕС КІТАПТАРЫН ОҚЫМАУЫ КЕРЕК»

– Бизнес саласында талай «тар жол, тайғақ кешуден» өткен танымал, табысты кәсіпкерсіз. Осы ретте мотивация болсын, бизнес бастағысы келетін жастарға қандай ақыл-кеңес берер едіңіз?

– Менің ойымша, кәсіпкер болғысы келген адам міндетті түрде кітап оқуы керек. Өйткені кітап оқу – адамның ойлау аясын кеңейтетін, танымын тереңдететін, шешім қабылдау мәдениетін қалыптастыратын ең қуатты құралдардың бірі. Кәсіпкерлік дегеніміз – тек

табыс табу емес, алдымен ой еңбегі, пайым, жауапкершілік және уақыттың алдында дұрыс бағдар табу болуы. Ал мұның бәрі біліммен, ізденіспен, үздіксіз оқумен келеді.

Көп адам кәсіпкерге тек бизнеске қатысты кітаптар жеткілікті деп ойлайды. Мен бұл пікірмен толық келісе бермеймін. Әрине, экономика, менеджмент, маркетинг, қаржы сауаты жөніндегі еңбектер қажет. Бірақ кәсіпкер сонымен ғана шектеліп қалмауы керек. Тарихты оқу қажет, өйткені тарих – үлкен тәжірибе мектебі. Философияны оқу керек, өйткені ол ойлаудың тәртібін үйретеді. Психологияны оқу керек, өйткені кәсіпкер алдымен адаммен жұмыс істейді. Адамды, қоғамды, уақыттың мінезін түсінбеген адам бизнесті де терең түсіне алмайды. Сондықтан кәсіпкерлік – ақша табудың ғана емес, адам, орта танудың, жауапкершілік арқалаудың үлкен жолы.

Меніңше, сабақты жақсы оқымаған, өзін біліммен толықтырмаған адам белгілі бір деңгейге дейін көтерілуі мүмкін. Табиғи қабілеті, іскерлігі, тәуекелі алып шығатын тұстар болады. Бірақ бір белестен кейін білімнің орны қатты сезіледі. Өйткені бизнестің ауқымы өскен сайын шешімнің де салмағы артады.

Қазіргі уақыт – бұрынғыдан мүлде бөлек кезең. Бүгінде бір ғана телефонның өзінде орасан мүмкіндік бар. Соның өзінде біз оның мүмкіндігінің аз ғана бөлігін пайдаланып жүрміз. Мысалы, өзін қолымдағы телефонның 12 пайызын ғана қолданады екенмін деп ойлаймын. Демек біз күнделікті ұстап жүрген құралдың өзін толық игермей жатып, үлкен әлемнің мүмкіндігіне толық кіріп кеткен жоқпыз. Ал бүгінгі кәсіпкер үшін технологияны түсіну, ақпарат ағынын саралай білу, дүниежүзіндегі үрдістерді бақылап отыру – аса маңызды. Мен бірнеше елді көрдім, жаңалықтарды үзбей тыңдаймын. Сонда түсінгенім – қазіргі әлем тоқтаусыз өзгеріп жатыр. Сол өзгерістің ішінен өз орнында табу үшін де оқып-үйрену қажет.

Мысалы, «Forbes» секілді басылымдар бар. Ол жерде әлемнің бай адамдары жөнінде, олардың қандай жолдан өткені, қалай тәуекел еткені, нені дұрыс, нені қате жасағаны жөнінде жазылады. Біз көбіне олардың байлығына таңғаламыз да сол байлықтың артындағы ойлау жүйесіне, ізденісіне, тәртібіне, еңбек мәдениетіне үйіле бермейміз. Негізінде мұндай дүниелерді оқу біреуге еліктеу үшін емес, үлкен тәжірибеден сабақ алу үшін керек. Өйткені табысты адамдардың тарихында тәуекел де, қателік те, табандылық та, уақытты дұрыс пайдалану да бар. Соның бәрі кейінгі буынға

ой салуға тиіс.

Өмірде білім жетпей қалған сәттер де адамға үлкен сабақ береді. Мысалы, кезінде «Amazon» компаниясының акциясын сатып алуға мүмкіндік болды. Бірақ менің білімім жетпей, сенімсіздік таныттым. Егер сол кезде мәселені тереңірек түсініп, батылырақ қадам жасағанымда, бәлкім, бүгінгі жағдайым мүлде басқаша болар ма еді. Мұндай мысалдар адамның көңілінде өкініш болып қана қалмауы керек. Керісінше, ол саған білімнің, сараптаудың, нарықты түсінудің қаншалықты маңызды екенін ұқтыруға тиіс. Кейде бір шешім адамның бірнеше жылдық бағытын өзгертіп жібереді. Ал сол шешімнің сапасы көбіне адамның таным деңгейіне байланысты.

Меніңше, қоғамдағы үлкен өзгеріс те оқитын адамдар көбейген кезде басталады. Өйткені кітап оқитын адам тек ақпарат алып қана қоймайды, ол ойлануға үйренеді. Ол әртүрлі көзқарасты тыңдауға, түсінуге, саралауға машықтанады. Мұндай адам асығыс үкім шығармайды, жел сөзге ермейді, өз ұстанымын таразылап қалыптастырады. Кітаптың адамға беретін ең үлкен пайдасы да осында. Ол адамды ішкі жағынан тәрбиелейді, ойды тереңдетеді, мінезді байытады.

Сол себепті кәсіпкер боламын деген адам міндетті түрде оқуы керек деп есептеймін. Тек кәсібі пайда үшін емес, тұлға болып қалыптасу, қоғамды түсіну, уақыттың сынынан өте алатын парасат иесіне айналу үшін оқуы керек. Өйткені білімді кәсіпкер ғана табыс табумен шектелмей, елге пайда әкелетін, адамдарға жол көрсететін, өзінен кейінгі із қалдыратын деңгейге көтеріле алады.

«ҚАЗАҚ КІТАПТАРЫНА СҰРАНЫС АРТЫП КЕЛЕДІ»

– Жақында «Marwin-Meloman» кітап дүкендері желісінің басқаруын қолға алдыңыздар. Бүгінде қазақ тіліндегі кітаптардың сатылымы қалай жүріп жатыр?

– «Marwin-Meloman» дүкендер желісін толық сатып алғанмызға шамамен 6 айдай уақыт болды. Сол кезде қазақ тіліндегі кітаптардың сатылым үлесі небәрі 13 пайыз шамасында еді. Қазір бұл көрсеткіш 37 пайызға дейін өсті. Бұл – айтарлықтай жақсы нәтиже. Алайда мұны бір ғана компанияның ішкі табысы ретінде бағалау дұрыс болмас еді. Бұл – қоғамдағы жалпы бетбұрыстың, рухани сұраныстың өзгеріп келе жатқанының нақты көрінісі. Яғни



бүгінде қазақ тіліндегі кітаптарға деген қызығушылық едәуір артып отыр.

Қазір біз көптеген қазақ авторымен тығыз жұмыс істеп жатырмыз. Кейбірімен бірлескен жобаларды жүзеге асырып келеміз, кейбір қаламгерге демеушілік қолдау көрсетеміз. Мұның бәрі – кітап нарығын жүйелі дамытуға бағытталған қадамдар. Өйткені кітап саласында тек сауда айналымын ұлғайту жеткіліксіз. Бастысы, сапалы автор, сапалы мәтін, сапалы басылым қалыптастыру. Егер қаламгер өз еңбегінің әділ бағаланатынын, оқырманға жететінін, қолдау табатынын сезінсе, оның да өнімді әрі жауапкершілікпен жұмыс істеуге ынтасы артады. Ал бұл, түптеп келгенде, тұтас әдеби орта мен кітап индустриясының дамуына әсер етеді.

Алдағы уақытта кітап дүкендері тек кітап сататын орын болып қалмауға тиіс деп ойлаймын. Оның адамдар бас қосатын, пікір алмасатын, жаңа идеялар туындайтын, мәдени байланыс орнайтын ортаға айналуы қажет. Дамыған елдерде кітап дүкендерінің аясында авторлармен кездесулер, әдеби кештер, шағын дәрістер, пікірталастар жиі ұйымдастырылады. Мұндай тәжірибе оқырман мен кітаптың арасын жақындата түседі. Кітапты үнсіз сөреде тұрған зат емес, қоғамдық ой мен мәдени қозғалыстың тірі өзегіне айналдырады.

Бізге де осы бағыт қажет. Өйткені кітап дүкені сауда орны ғана емес, белгілі бір дәрежеде қоғамдық сананы

қалыптастыратын мәдени кеңістік болуға тиіс. Егер оқырман кітап дүкеніне тек сатып алу үшін емес, рухани әсер алу, жаңа ой есту, өзіне жақын ортаны табу үшін баратын болса, бұл кітап оқу мәдениетінің жаңа деңгейге көтерілгенін білдіреді.

Біздің басты мақсатымыз – қазақ тіліндегі кітаптардың санын арттыру ғана емес, олардың оқырманға кеңінен әрі жүйелі түрде жетуіне қолдау көрсету. Бұл жерде сөз тек сауда көлемі жөнінде емес, қазақ кітабының беделін көтеру, оны қоғамдық сұраныстың негізгі рухани өнімдерінің біріне айналдыру туралы болып отыр. Өйткені кітап оқитын қоғам ғана сапалы талғам қалыптастырады. Кітап оқитын қоғам ғана өзінің мәдени және зияткерлік болашағын нық негіздей алады.

Сондықтан кітап оқу мәдениетін дамыту – бір ғана баспа саласының, бір ғана кітап дүкенінің немесе бір топ қаламгердің міндеті емес, тұтас қоғамға ортақ жұмыс. Егер біз жастардың кітапқа қызығушылығын арттырып, қазақ тіліндегі сапалы әдебиетті қолдай алсақ, автор мен оқырманның арасын жақындата алсақ, онда ұлттың рухани іргесі де беки түседі. Ал рухани іргесі берік қоғамның болашағы да баянды болмақ.

Сұхбаттасқан
Бауыржан ҚАРАҒЫЗҰЛЫ

ЖАРНАМА/РЕКЛАМА



Прокат инструментов в г.Косшы!
- Более 200 видов инструментов в одном месте!
- Возьми нужный инструмент в нужное время!
График работы:
пн-пт: 9:00-19:30
сб-вс: 10:00-19:30
Телефон: 8 708 718 0568
Адрес: г. Косшы, ул. Республики, 52а

Қосшы қаласында құрал-саймандарды жалға беру!
- Бір жерде 200-ден аса құрал-сайман түрі!
- Қажетті құралды керек уақытта алыңыз!
Жұмыс уақыты:
дүйсенбі-жұма: 9:00-19:30
сенбі-жексенбі: 10:00-19:30
Телефон: 8 708 718 0568
Мекенжайы: Қосшы қаласы, Республика көшесі, 52а.



ҚОСШЫ НАН –
ЖАҢА ПІСКЕН ТАҢДЫР ЛЕПЕШКАСЫ!
Тек табиғи, сапалы өнімдер.
Тапсырыс қабылдаймыз!

Республика көшесі, 186
08:00-22:00
+7 776 139 0404

ҚОСШЫ НАН –
СВЕЖАЯ ТАҢДЫРНАЯ ЛЕПЕШКА!
Только натуральные качественные продукты.
Принимаем заказы!

ул. Республики, 186
08:00-22:00
+7 776 139 0404

КОНСТИТУЦИЯ ЖОБАСЫ – еліміздің келешек дамуына бағытталған маңызды қадам

Жаңа Конституцияны қолдау – еліміздің болашағына деген жауапкершілікті сезіну деген сөз. Мемлекеттің негізгі заңы қоғамдағы әділеттілік, тұрақтылық және азаматтардың құқықтарын қорғау қағидаттарын айқындайды.

Сондықтан Конституцияға енгізіліп жатқан өзгерістер мен жаңашылдықтар ел дамуына жаңа серпін береді деп сенемін.

Өз басым бұл бастамаларды қолдаймын. Өйткені заң үстемдігі мен әділдік қағидаттары күшейген сайын мемлекет те, қоғам да нығая түседі. Жаңа Конституция – азаматтардың пікірін ескеріп, елдің келешек дамуына бағытталған маңызды қадам деп ойлаймын. Біз әрқашан заңды құрметтеп, ортақ мақсат – қуатты әрі әділетті Қазақстан құру жолында бірлесіп еңбек етуіміз керек.

Ербол ҚАНАТҰЛЫ,
«Jana Bastau» газетінің қызметкері



ҚОСШЫДА ҚЫРЫҚҚА ЖУЫҚ ОТБАСЫНА ТЕГІН ПӘТЕР БЕРІЛДІ

Ақмола облысының әкімі Марат Ахметжанов Қосшы қаласына арнайы келіп, әлеуметтік тұрғыдан аз қамтылған 40-қа жуық тұрғынға «Ынтымақ» тұрғын үй кешенінен жаңа пәтерлердің кілтін табыс етті.

Салтанатты іс-шараға Қосшы қаласының әкімі Азамат Қапышев, әкімнің орынбасары Берген Жұмкейұлы, қалалық ішкі саясат, мәдениет, тілдерді дамыту және спорт бөлімінің басшысы Айнагүл Көңбайқызы және өзге де жауапты өкілдер қатысты.

Өңір басшысы жиналған жұртты жаңа қоныстарымен құттықтай отырып, Қосшының қарқынды дамып келе жатқанын атап өтті.

– Былтыр президент Қасым-Жомарт Тоқаев Қосшыға арнайы келіп, қаланың дамуына ерекше серпін берді. Биыл қаланың құрылуына 5 жыл толған мерейтойды атап өтеміз. Осындай айтулы кезең қарсаңында жақсы істер жалғасып жатыр. Мемлекет әлеуметтік салаға басымдық беріп келеді. Бастысы, бұл пәтерлер жалға берілмейді, сіздердің жеке меншіктеріңіз, – деді Марат Ахметжанов.

Сондай-ақ ол жаңа үй болған соң, ұсақ кемшіліктер кездесуі мүмкін екенін жасырмай, оларды жедел шешуге уәде берді. Жалпы, қазір өңір бойынша 371 адамның баспаналы болып отырғанын да атап өтті.

Қуанышты сәт тек кілт табыстаумен шектелген жоқ. Облыс әкімі алдағы жоспарларын да бөлісті. Айтуынша, биыл Қосшы толық газбен қамтылмақ. Астанадан бастау алған LRT желісінің құрылысы келесі жылы аяқталып, іске қосылады деп күтіліп отыр. Сонымен қатар қалада жаңа индустриялық аймақ құрылып, Көкшетау сүт зауытының филиалы ашылады. Бұл – жаңа жұмыс орындары, экономикалық серпін және азық-түлік қауіпсіздігі деген сөз.

Экологиялық бағыт та назардан тыс қалмайды. Қалада эко-парктер салынып, 3 заманауи демалыс аймағы бой көтереді. Жаңа саябақ ашылып,



350 орындық стационар пайдалануға берілмек.

Ресми сөздерден кейін біз жаңа пәтер иелерінің өздерімен тілдестік. Солардың бірі – Әлия Селеуова өзінің тұрғын үй кезегінде 7 жыл тұрғанын айтты. Медицина саласында 40 жылға жуық еңбек еткен ол үшін бұл күн ерекше.

– Президентімізге, облыс және қала

басшылығына алғысым шексіз. Мемлекетіміз қолдау көрсетіп жатыр. Бүгінгі күн – мен үшін үлкен бақыт, – деді ол толқып.

Сол сәтте қолдарына пәтер кілті тиген өзге де тұрғындардың жүзінен риясыз қуаныш байқалды. Бірі – көпбалалы ана, екіншісі – зейнет жасына жақындаған еңбек ардагері... Барлығының тілегі бір:

өз шаңырағында бейбіт өмір сүру.

Қосшының тарихы әлі жас. Бірақ дәл осындай күндер – оның шынайы шежіресі. Қала тек ғимараттармен емес, адамдардың қуанышымен де өседі. Ал қоныс тойы сол өсімнің ең жылы белгісі болса керек.

Ғани АТЫМТАЙ

Болат Баталов,

Қосшы қалалық референдум жөніндегі сайлау комиссиясының төрағасы:

РЕФЕРЕНДУМҒА ӘР АЗАМАТТЫҢ ҚАТЫСҚАНЫ ДҰРЫС



Келесі аптаның соңында, яғни 15 наурызда Республикалық референдум өтеді. Осы маңызды науқан қарсаңында біз Қосшы қалалық референдум жөніндегі сайлау комиссиясының төрағасы Болат Баталовпен аз-кем әңгімелескен едік.

– Болат Сәбитұлы, 15 наурызда өтетін Республикалық референдумға дайындық қалай жүргізіліп жатыр?

– Дайындық жұмыстары жоспарға сәйкес жүргізіліп келеді. Қосшы қаласында барлық референдум учаскелері белгіленіп, материалдық-техникалық қамтамасыз ету мәселелері пысықталды. Учаскелік комиссия мүшелері заңнама талаптарына сәйкес оқытылып, түсіндіру жұмыстары жүргізілді. Біздің басты мақсатымыз – әр азаматтың дауыс беру құқығын толық әрі заңды түрде қамтамасыз ету.

– Соңғы күндері тұрғындар тарапынан есептен шығару куәлігіне байланысты сұрақтар жиіледі. Алдымен осы құжаттың мәнін түсіндіріп өтсеңіз...

– Есептен шығару куәлігі – азаматтың тіркелген референдум учаскесінен тыс жерде дауыс беруіне мүмкіндік беретін ресми құжат. Егер азамат тұрғылықты жерін уақытша өзгертіп, референдум күні басқа елді мекенде болса, ол өз учаскесінен есептен шығару куәлігін ала алады. Бұл куәлік 2026 жылғы 27 ақпаннан бастап беріледі және оны беру 14 наурызда сағат 18:00-де тоқтатылады.

– Яғни, бұл куәлікті басқа учаскеде дауыс беру үшін кез келген адам ала ала ма?

– Жоқ, заң талаптарына сәйкес белгілі бір шектеулер бар. Егер азамат бір елді мекеннің шегінде орналасқан басқа учаскеде дауыс бергісі келсе, оған есептен шығару куәлігі берілмейді. Ал егер азамат іссапар, оқу немесе өзге де себептермен мүлде басқа қалаға немесе ауданға уақытша кететін болса, онда ол есептен шығару куәлігін алуға құқылы.

– Ал Қосшы қаласының азаматтарына немесе мұнда уақытша болатын тұрғындарға қатысты қандай да бір ерекшелік бар ма?

– Иә, ерекше жағдай бар. Егер азамат Астана қаласында тіркелген болса, ол өзінің тіркелген референдум учаскесіне барып, Қосшы қаласының өзіне ыңғайлы кез келген референдум учаскесінде дауыс беру құқығын беретін есептен шығару куәлігін ала алады. Бұл, әсіресе, жұмыс бабымен немесе басқа себептермен Қосшыда уақытша тұрып жатқан азаматтар үшін ыңғайлы мүмкіндік.

– Есептен шығару куәлігін алған азамат референдум күні қандай құжаттарды көрсетуге тиіс?

– Азамат дауыс беру кезінде міндетті түрде екі құжатты ұсынады. Оның бірі – есептен шығару куәлігі, екіншісі – жеке басын куәландыратын (электрондық нұсқасы да жарамды) құжат. Осыдан кейін учаскелік референдум комиссия-

сы оны республикалық референдумға қатысуға құқығы бар азаматтардың тізіміне енгізіп, дауыс беру бюллетенін береді.

– Есептен шығару куәлігі бірнеше рет қолданылуы мүмкін бе?

– Жоқ, бұл құжат бір рет қана пайдаланылады. Азамат дауыс берген соң, есептен шығару куәлігі сол учаскеде қалады. Сонымен қатар жоғалған куәліктер қалпына келтірілмейді. Сондықтан азаматтарға құжатты сақтауға мұқият болуды ескертеміз.

– Қазір қала тұрғындарын ақпараттандыру жұмыстары қалай жүргізіліп жатыр?

– Біз бұқаралық ақпарат құралдары арқылы, әлеуметтік желілерде және ресми хабарламалар арқылы түсіндіру жұмыстарын жүргізіп жатырмыз. Сонымен қатар учаскелік комиссиялар тұрғындарға жеке түсіндірме беріп отыр. Әр азаматтың өз құқығын біліп, референдумға белсенді қатысқаны дұрыс.

– Сөз соңында Қосшы қаласының тұрғындарына қандай үндеу айтар едіңіз?

– 2026 жылғы 15 наурызда өтетін республикалық референдум – ел болашағы үшін маңызды саяси шара. Сондықтан әрбір азамат өз таңдауын жасауға жауапкершілікпен қарауға тиіс. Егер тұрғылықты жеріңіз өзгерсе, 27 ақпан мен 14 наурыз аралығында есептен шығару куәлігін алуды ұмытпаңыз. Ал біз өз тарапымыздан ашықтықты, заңдылықты және әділдікті қамтамасыз етуге дайынбыз.

– Уақытыңызды бөліп, жан-жақты түсіндірме бергеніңіз үшін рақмет!

Сұхбаттасқан
Еркеғали БОЛАТҰЛЫ

ХАБАРЛАМА

2026 жылғы 1 наурызда Қосшы қаласының Тайтөбе ауылының әкімі үшін сайлау өткізілді.

Қосшы қалалық сайлау комиссиясы Қазақстан Республикасы Конституциялық заңының «Қазақстан Республикасында сайлаулар туралы» 14-бабының 9) тармақшасына, 44-баптың 2-тармағына, 45-бабына, 113-10-бабына сәйкес, Тайтөбе ауылының әкімі сайлауларының нәтижелері туралы учаскелік сайлау комиссиясының хаттамасына негізделіп отырып сайлаулардың қорытындыларын белгіледі:

Тайтөбе ауылы сайлау округі

Қосшы қаласы Тайтөбе ауылының әкімі сайлауы бойынша.

Сайлау округі бойынша сайлаушылар тізіміне 1316 азамат енгізілген, олардың ішінде 999 адам дауыс берген. Дауыс беру қағаздарының жарамсыз саны – 0, «Барлығына қарсы» жолында белгі болғандар – 4.

Әр кандидатқа берілген дауыстар саны:

Акашев А.К. – 87; Ахметов Р.М. – 818; Сикумбаев Н.З. – 90.

Тайтөбе ауылының әкімі болып Ахметов Рустем Мұратбекович, 1981 жылғы туған, Тайтөбе ауылы әкімдігінің бас маманы, Тайтөбе ауылында тұратын, «AMANAT» партиясынан ұсынылған, сайланды.

Қосшы қалалық сайлау комиссиясы Қазақстан Республикасының «Қазақстан Республикасында сайлау туралы» Конституциялық заңының 45-бабына сәйкес 2026 жылғы 2 наурыздағы № шешімімен 2026 жылғы 1 наурызда сайланған Қосшы қаласының Тайтөбе ауылы әкімі тіркелді.

Қосшы қалалық сайлау комиссиясы

СООБЩЕНИЕ

1 марта 2026 года состоялись выборы акима села Тайтөбе города Косшы. Косшынская городская избирательная комиссия в соответствии с подпунктом 9) статьи 14, пунктом 2 статьи 44, статьей 45, статьей 113-10 Конституционного закона Республики Казахстан «О выборах в Республике Казахстан», на основании протокола участковой избирательной комиссии №751 о результатах выборов акима села Тайтөбе города Косшы установила итоги выборов:

Избирательный округ села Тайтөбе по выборам акима села Тайтөбе города Косшы.

В список избирателей по избирательному округу включено 1316 граждан, из них проголосовали 999. Число бюллетеней действительных – 0, с отметкой в строке «Против всех» - 4.

Число голосов, поданных за каждого кандидата:

Акашев А.К. – 87; Ахметов Р.М. – 818; Сикумбаев Н.З. – 90.

Избран акимом села Тайтөбе Ахметов Рустем Мұратбекович, 1981 года рождения, главный специалист акимата села Тайтөбе, проживает в селе Тайтөбе, выдвинут партией «AMANAT».

Косшынская городская избирательная комиссия в соответствии со статьей 45 Конституционного закона Республики Казахстан «О выборах в Республике Казахстан» решением №20/20 от 02 марта 2026 года зарегистрировала избранного 1 марта 2026 года акима села Тайтөбе города Косшы.

Косшынская городская избирательная комиссия

Jana
Bastau

Меншік иесі –
«Bastau Media» ЖШС

Директор –
Бауыржан ҚАРАҒЫЗҰЛЫ

Бас редактор
Еркеғали БЕЙСЕВОВ

Бас редактордың орынбасары
Дастан КЕНЖАЛИН

ЖУРНАЛИСТЕР:
Жанар АХМЕТОВА,
Аяжан ЕРБОЛ

ЖАРНАМА МЕНДЖЕРІ:
Мархабат АСЫЛБЕК
8778 443 20 95

ТЕХНИКАЛЫҚ БӨЛІМ
Дизайнер-беттеуші
Ербол ҚАНАТҰЛЫ
Корректор
Ерік ЕЛЕУСІЗ

• Астана қ. «Медиа-холдинг «ERNUR» ЖШС,
Сілеті көшесі 30, тел: 8(7172) 99 77 77
• Таралымы 1 500

Бағасы келісім бойынша

- Газет аптасына 1 рет (әр аптаның сенбі күні) шығады.
- Республиканың барлық аймағына таратылады.
- Авторлардың пікірі редакцияның көзқарасын білдірмейді.
- Әдеби қолжазбалар рецензияланбайды және қайтарылмайды.
- Редакциямен келіспей, қайта басуға тыйым салынады.
- Жарнама мен хабарландырулардың мазмұнына жарнама беруші жауап береді.

- Газет ҚР Мәдениет және ақпарат министрлігі, Ақпарат комитетінде 18.01.2024 ж. тіркеліп, № KZ07VPY00085845 куәлігі берілген.
- Алғашқы есепке қою кезіндегі нөмірі мен мерзімі: 04.02.2022, KZ40VPY00045578

Редакция мекенжайы:
Қосшы қаласы,
Республика даңғылы, 46

Байланыс телефоны:
тел.: +7 (701) 709-88-82

Газет «Jana bastau» газеті редакциясының компьютерлік орталығында теріліп, қатталды.

janabastau2022@gmail.com
www.janabastau.kz